

**BRČKO DISTRIKT  
BOSNE I HERCEGOVINE  
PRAVOSUDNA KOMISIJA  
BRČKO DISTRIKTA  
BOSNE I HERCEGOVINE**

**PLAN RADA  
ZA 2023. GODINU**

**Brčko, decembar 2022. godine**



---

Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba  
Trg pravde 10, 76100 Brčko distrikt Bosne i Hercegovine; tel: 049/217-955; faks: 049/235-070; e-pošta: pkbd@pkbd.ba

## **UVOD**

Statutom Brčko distrikta Bosne i Hercegovine - prečišćeni tekst („Službeni glasnik Brčko distrikta Bosne i Hercegovine“, broj 2/10 - u daljem tekstu: Statut Distrikta), članom 71. stav (1) propisano je da se zakonom osniva Pravosudna komisija Brčko distrikta BiH (u daljem tekstu: Pravosudna komisija).

Zakonom o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07, 2/08, 4/21 i 6/21), članom 2. propisano je da je Pravosudna komisija samostalno i od drugih organa vlasti Brčko distrikta BiH nezavisno tijelo koja svoja ovlaštenja obavlja u okviru djelokruga utvrđenog Statutom Distrikta.

Članom 14. Zakona o Pravosudnoj komisiji propisano je da će Pravosudna komisija obavljati slijedeće poslove:

- obezbjeđivanje nezavisnosti Osnovnog i Apelacionog suda, Tužilaštva Distrikta, Kancelarije za pravnu pomoć i Pravobranilaštva,
- obezbjeđivanje stručnog usavršavanja sudija, tužilaca, pravobranioca, advokata Kancelarije za pravnu pomoć i stručnih saradnika u pravosuđu i Tužilaštvu Distrikta,
- donošenje i sprovođenje etičkog kodeksa zaposlenih u pravosuđu (izuzimajući sudije Osnovnog i Apelacionog suda), zaposlenih u Tužilaštvu Distrikta (izuzimajući tužioce), Pravobranilaštva, Kancelarije za pravnu pomoć uključujući pokretanje disciplinskog postupka zbog kršenja kodeksa,
- imenovanje i razrješenje pravobranioca i njegovih zamjenika,
- imenovanje i razrješenje direktora Kancelarije za pravnu pomoć i advokata Kancelarije,
- imenovanje i razrješenje stručnih saradnika i pripravnika u Osnovnom i Apelacionom sudu, Tužilaštvu Distrikta, Kancelariji za pravnu pomoć i Pravobranilaštvu,
- pripremu i dostavljanje Skupštini zakona koji se odnose na organizaciju i rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć, kao i na regulisanje rada advokata i notara u Distriktu,
- imenovanje notara i regulisanje rada notara u Distriktu,
- pripremanje i predlaganje Skupštini onog dijela budžeta Distrikta kojim se obezbjeđuju operativni troškovi za rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i za rad Pravosudne komisije,
- ostvarivanje saradnje s ministarstvima pravde i drugim nadležnim institucijama u BiH,

- izbor člana za Visoko sudsko i tužilačko vijeće BiH,
- utvrđuje potreban broj advokata u Kancelariji za pravnu pomoć,
- donosi i daje saglasnost na pravilnike kojima se reguliše rad Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i Stručne službe Pravosudne komisije,
- donosi pravilnike o uslovima za obavljanje poslova vještačenja i poslova sudskih tumača,
- imenuje i razrješava dužnosti komandira Sudske policije i određuje broj sudskih policajaca,
- objavljuje javni konkurs i vrši izbor za sva upražnjena radna mjesta službenika i namještenika u Osnovnom i Apelacionom sudu, Tužilaštvu Distrikta, Kancelariji za pravnu pomoć i Pravobranilaštvu i stručnoj službi Pravosudne komisije,
- najmanje dva puta godišnje razmatra izvještaj o radu Osnovnog i Apelacionog suda, Tužilaštva Distrikta, Pravobranilaštva i Kancelarije za pravnu pomoć i Pravosudne komisije, te ih u vidu informacija dostavlja Skupštini ukoliko nije drugačije regulisano posebnim zakonima,
- koordinira projekte koje je pokrenulo Visoko sudsko i tužilačko vijeće BiH, a koje se odnosi na poboljšanje rada sudova i Tužilaštva i efikasnost upravljanja predmetima,
- unapređuje rad Pravobranilaštva, Kancelarije za pravnu pomoć i Stručne službe Pravosudne komisije,
- obavlja i druge poslove utvrđene Ustavom BiH, Statutom Distrikta i zakonima.


Pravosudna komisija ima sjedište u Brčkom, ul. Trg pravde br. 10. Pravosudnu komisiju čini osam članova i to:

1. predsjednik Ustavnog suda BiH ili sudija tog suda koga on odredi kao svog zamjenika,
2. predsjednik Apelacionog suda,
3. predsjednik Osnovnog suda,
4. glavni tužilac,
5. direktor Kancelarije za pravnu pomoć,
6. pravobranilac,
7. tri građana Distrikta.

Pravosudna komisija ima predsjednika i potpredsjednika Komisije koji se biraju iz reda članova Komisije, sa mandatom od četiri godine, a po isteku mandata mogu biti ponovo birani. Predsjednik predstavlja i zastupa Pravosudnu komisiju, a u njegovoj odsutnosti zamjenjuje ga potpredsjednik.

Finansijsko-računovodstvene, poslove informacionih tehnologija, stručne i administrativne poslove za potrebe pravosuđa obavlja Stručna služba Pravosudne komisije.

# ORGANIGRAM PRAVOSUDNE KOMISIJE BRČKO DISTRIKTA BIH



## **PLAN RADA**

### **- Normativne aktivnosti:**

Pravosudna komisija će u 2023. godini, uz stručnu, administrativnu i tehničku podršku Stručne službe, u skupštinsku proceduru uputiti slijedeće zakone:

#### **I- polugodište**

- Zakon o izmjenama i dopunama Krivičnog zakona Brčko distrikta BiH,
- Zakon o izmjenama i dopunama Zakona o notarima Brčko distrikta BiH,
- Zakon o izmjenama i dopunama Zakona o stečaju Brčko distrikta BiH.

#### **II- polugodište**

- Zakon o izmjenama i dopunama Zakona o krivičnom postupku Brčko distrikta BiH,
- Zakon o izmjenama i dopunama Zakona o izvršenju krivičnih sankcija, pritvora i drugih mjera u Brčko distriktu BiH.

Takođe, tokom 2023. godine Pravosudnoj komisiji biće dostavljeni, na usvajanje, slijedeći podzakonski akti:

- Pravilnik o uspostavi i provođenju sistema interne kontrole u pravosudnim institucijama Brčko distrikta BiH,
- Pravilnik o izmjenama i dopunama Pravilnika o radu notara Brčko distrikta BiH,
- Pravilnik o postupku preuzimanja, čuvanja i korištenja spisa, dokumentacije, novca, vrijednosnih papira i drugih pismena u slučaju prestanka notarske djelatnosti,
- Pravilnik o stalnim sudskim vještacima Brčko distrikta BiH,
- Pravilnik o programu stručnog ispita za stečajnog upravnika i načinu njegovog polaganja.

### **- Strategija za reformu sektora pravde BiH**

Pravosudna komisija će tokom 2023. godine, nakon usvajanja od strane Vijeća ministara BiH Strategije za reformu sektora pravde BiH 2022-2027., preuzimati aktivnosti vezane za provođenje strateških programa sa rokom realizacije u 2023. godini, a sve u cilju stvaranja efikasnog, efektivnog i koordiniranog sistema pravde u BiH koji je odgovoran prema svim građanima BiH i potpuno usklađen sa EU standardima i najboljom praksom, garantujući vladavinu prava. S tim u vezi, putem delegiranih članova, Pravosudna komisija će učestvovati i u radu funkcionalnih radnih grupa i tehničkom sekretarijatu za izradu novog strateškog okvira.

### **- EU integracije**

Pravosudna komisija će tokom 2023. godine nastaviti rad na poslovima vezanim za EU integracije, što uključuje rad u Pododboru za pravdu slobodu i sigurnost, radnim grupama imenovanih u procesu evropskih integracija na lokalnom nivou i nivou BiH, te će

kontinuirano saradivati sa Odjeljenjem za evropske integracije i međunarodnu saradnju Vlade Brčko distrikta BiH i Direkcijom za EU integracije BiH.

#### **- Borba protiv korupcije**

Pravosudna komisija radiće na realizaciji mjera iz Akcionog plana za provođenje Strategije za borbu protiv korupcije u Brčko distrikta BiH za period 2022.-2024. godina u kojima je identifikovana kao nosilac aktivnosti. Takođe, u tom pravcu radiće se i na edukaciji službenika u oblastima borbe protiv korupcije, povećanju transparentnosti rada, etičnosti, integritetu i doličnom ponašanju.

#### **-Edukacija**

U pogledu edukacije sudija, tužilaca, stručnih saradnika sudova Distrikta i Tužilaštva Distrikta, Pravosudna komisija će nastaviti saradnju sa Entitetskim Centrima za edukaciju sudija i tužilaca, a po programu početne obuke i stručnog usavršavanja. U skladu sa usvojenim Programom početne obuke i stručnog usavršavanja entitetskih centara za edukaciju sudija i tužilaca za 2023. godinu, Pravosudna komisija će u toku 2023. godine biti domaćin i suorganizator jednog seminara iz krivično-pravne oblasti, a planirano je da se pored tog seminara, održi još edukativnih aktivnosti iz programa u Brčko distriktu BiH.

Kroz rad u organizacionom odboru za godišnje savjetovanje iz krivične oblasti u Neumu, Pravosudna komisija će uzeti učešće u planiranju i realizaciji ovih aktivnosti.

Vezano za edukaciju službenika i namještenika u pravosuđu Brčko distrikta BiH, Pravosudna komisija će u narednom periodu, u skladu sa usvojenim Planom stručnog usavršavanja službenika i namještenika u pravosuđu Brčko distrikta BiH za 2023. godinu planirati seminare za službenike i namještenike uvažavajući iskazane potrebe pravosudnih institucija i obaveze koje proizilaze iz usvojenih strateških dokumenata. Teme seminara za službenike i namještenike u pravosuđu Brčko distrikta BiH koji će se održati u toku 2023. godine su:

1. Profesionalni i etički standardi, integritet i dolično ponašanje;
2. Odgovornost prema poslu, upravljanje vremenom i obavljanje radnih zadataka;
3. Sukob interesa;
4. Nepriistrasnost i zabrana diskriminacije;

#### **- Informisanje javnosti**

U 2023. godini javnost će biti redovno obavještavana o radu Osnovnog, Apelacionog suda, Kancelarije za pravnu pomoć, Pravobranilaštva i Pravosudne komisije Brčko distrikta BiH. Javnost će se informisati i kroz saopštenja za javnost koja će se dostavljati medijima, a biće i objavljena na web stranicama pravosudnih institucija na koje se odnose. Takođe, putem portparola redovno će se obavljati poslovi vezani za pristup

informacijama koje su pod kontrolom pravosudnih institucija. Saopštenja za javnost će se dostavljati

Nastaviće se redovne aktivnosti vezano za uređivanje internet stranice Pravosudne komisije Brčko distrikta BiH objavljivanjem dnevnih redova, usvojenih zapisnika i značajnih odluka donesenih na sjednicama Pravosudne komisije.

**- Rad za opšte dobro na slobodi**

Pravosudna komisija će nastaviti sa izvršenjem presuda sudova Distrikta, kojim su kazne zatvora zamjenjene radom za opšte dobro na slobodi. S tim u vezi, putem službenika Pravosudne komisije, vršiće se uvid u izvršenje rada osuđenih lica i dostavljati zaključne izvještaje o izvršenom radu Osnovnom sudu.

**- Lista stalnih sudskih vještaka i tumača u Brčko distriktu BiH**

Stručna služba Pravosudne komisije će u 2023. godini nastaviti aktivnosti određene pravilnicima o uslovima, načinu i postupku upisa na listu stalnih sudskih vještaka i tumača u Distriktu, konkretno, vršiće sve aktivnosti vezano za pripremu i izradu rješenja o davanju i oduzimanju odobrenja za vršenje ovih poslova, te aktivnosti oko vođenja i redovnog ažuriranja liste stalnih sudskih vještaka i stalnih sudskih tumača u Brčko distriktu BiH.

Pravosudna komisija će nastaviti, u skladu sa Zakonom o sudovima Brčko distrikta BiH i gore navedenim podzakonskim aktima, odlučivati o žalbama izjavljenim protiv prvostepenih rješenja u postupku davanja/oduzimanja odobrenja za upis/brisanje sa lista stalnih sudskih vještaka/tumača.

**-Lista stečajnih upravnika u Brčko distriktu BiH**

Pravosudna komisija će tokom 2023. godine u skladu sa Zakonom o stečaju i Zakonom o likvidacionom postupku i usvojenim podzakonskim aktima raditi na poslovima imenovanja stečajnih upravnika kao i na poslovima vođenja i revidiranja Liste stečajnih upravnika. Tokom 2023. godine kroz usvajanje određenih akata, Pravosudna komisija će stvoriti sve pretpostavke za mogućnost polaganja ispita za stečajne upravnike na području Brčko distrikta BiH.

**- Registar testamenata i drugih nasljednopravnih poslova**

Pravosudna komisija će u toku 2023. godine kontinuirano preduzimati sve aktivnosti na vođenju Registra testamenata i drugih nasljednopravnih poslova, koja obaveza je propisana Zakonom o nasljeđivanju Brčko distrikta BiH.

**- Evidencija o službenim legitimacijama sudija u Brčko distriktu BiH**

U skladu sa Odlukom o obrascu i izgledu službene legitimacije za sudije u Brčko distriktu BiH, Stručna služba Pravosudne komisije će kontinuirano preduzimati sve aktivnosti na

izdavanju legitimacija, a potom i ažurnom vođenju evidencije o izdatim legitimacijama sudija u Distriktu.

**- Vođenje personalnih poslova za sve zaposlene u pravosudnim institucijama**

Stručna služba će u 2023. godini, u skladu sa Zakonom o službenicima i namještenicima u pravosuđu Brčko distrikta BiH i podzakonskih akata nastaviti sa urednim vođenjem personalnih poslova za sve zaposlene u pravosudnim institucijama. S tim u vezi, putem službenika za personalne poslove izdavaće potvrde i druge akte vezane za radnopravni status zaposlenih.

**- Upravljanje privremeno oduzetom imovinom u krivičnom postupku**

U skladu sa Zakonom o upravljanju privremeno oduzetom imovinom i podzakonskim aktima, Stručna služba Pravosudne komisije upravlja i raspolaže privremeno oduzetom imovinom U narednom periodu, Pravosudna komisija će raditi na stvaranju uslova (organizacionih, kadrovskih, materijalnih) koje su vezane za upravljanje provremeno oduzetom imovinom.

**- Nadzor nad radom notara u Brčko distriktu BiH**

Pravosudna komisija će tokom 2023. godine nastaviti aktivnosti u pogledu vršenja nadzora nad radom notara u Brčko distriktu BiH. Takođe, u 2023. godini radiće se na unapređenju zakonskog i podzakonskog okvira kojima je regulisan status i rad notara u Brčko distriktu BiH.

**- Projekti**

Nastaviće se kontinuirani rad na realizaciji projekta koji su u toku iz prethodnih godina, kao i novi projekti pod pokroviteljstvom Visokog sudskog i tužilačkog vijeća BiH (u daljem tekstu: VSTV BiH) i drugih relevantnih domaćih i stranih institucija i organizacija.

**- Ostale aktivnosti**

Pravosudna komisija će nastaviti saradnju sa državnim i entitetskim ministarstvima pravde, VSTV-om BiH, sa entitetskim Centrima za edukaciju sudija i tužilaca, nevladinim organizacijama, koje se bave reformom pravnog sistema u Bosni i Hercegovini, stranim organizacijama iz sektora reforme pravosuđa i drugim organizacijama navedenim u Revidiranom Akcionom planu za provedbu Strategije za reform sektora pravde u BiH. Takođe, putem delegiranih predstavnika, Pravosudna komisija će učestvovati u radu radnih grupa imenovanih na državnom nivou, kako od strane Pravosudne komisije, tako i od strane Vlade Brčko distrikta BiH, odnosno gradonačelnika Distrikta.

Putem delegiranog predstavnika nastaviće u Nadzornom tijelu za praćenje provođenja Državne Strategije za rad na predmetima ratnih zločina.



U toku 2023. godine, biće pružena stručna pomoć Komisiji za uslovni otpust osuđenih lica u Brčko distriktu BiH, u vidu pripreme i dostavljanja gradonačelniku Brčko distrikta BiH Odluke kojom se reguliše rad Komisije za 2023. godinu, te kontinuiranog postupanja u smislu izvršenja obaveza u skladu sa donesenom Odlukom.

Pravosudna komisija i Stručna služba će i dalje vršiti obradu molbi za pomilovanje i premještaj osuđenih lica, pružanje međunarodne pravne pomoći, kao i izrada odluka, rješenja i zaključaka usvojenim na sjednicama Pravosudne komisije.

Stručna služba vršiće i poslove prijema dopisa, zahtjeva, molbi, i drugih pismena koje predaju institucije i građani, te dostavljati odgovore u saradnji sa predsjednikom Pravosudne komisije.

## **FINANSIJSKA SLUŽBA**

### **a) Redovne aktivnosti Finansijske službe**

- izrada projekcije prihoda za period 2024-2026. godina za potrebe izrade Dokumenta okvirnog budžeta (DOB-a);
- izrada Dokumenta okvirnog budžeta (DOB-a) za period 2024-2026.godina, na osnovu „Budžetske instrukcije broj 1“;
- prikupljanje podataka za izradu prijedloga operativnog i kapitalnog budžeta za 2024. godinu, u skladu sa „Budžetskom instrukcijom broj 2“;
- izrada prijedloga operativnog i kapitalnog budžeta za sve pravosudne institucije za 2024. godinu;
- učestvovanje u radu Skupštinske komisije za Budžet prilikom usvajanja budžeta Pravosuđa za 2024. godinu;
- izrada i ugradnja amandmana u prijedlog budžeta Pravosuđa za 2024. godinu;
- izrada konačne verzije budžeta Pravosuđa za 2024. godinu, nakon usvajanja od strane Skupštine;
- izrada prijedloga i konačne verzije rebalansa budžeta Pravosuđa za 2023. godinu, po ukazanoj potrebi;
- podnošenje zahtjeva za unutrašnju preraspodjelu odobrenih budžetskih sredstava za 2023. godinu u skladu sa Zakonom o izvršenju budžeta;
- prijem, kufiranje, kontrola i plaćanje računa dobavljačima za primljene robe, izvršene radove i pružene usluge;
- izrada tenderske dokumentacije i pokretanje procedure javnih nabavki za sve pravosudne institucije u skladu sa ZJN BiH;
- podnošenje „Zahtjeva za nabavku“ na osnovu izrađenih tenderskih dokumentacija Pododjelu za javne nabave.
- otvaranje „Naloga za nabavku“ i praćenje realizacije istih do konačne isporuke i prijema roba, radova i usluga.
- kontiranje i knjiženje finansijske dokumentacije za sve pravosudne institucije u svrhu praćenja izvršenja budžeta ;

- vođenje porto blagajni za sve pravosudne institucije ((plaćanja, vođenje blagajničkih knjiga (nalog blagajni da naplati, nalog blagajni da isplati), provođenje blagajničkih naloga kroz blagajnički dnevnik, kontiranje blagajničke dokumentacije te kontrola i likvidacija iste));
- isplata vještaka, svjedoka i tumača po dostavljenim troškovnicima i rješenjima;
- isplata advokata po rješenjima postupajućih sudaca;
- praćenje izvršenja operativnog i kapitalnog budžeta;
- usuglašavanje izvršenja budžeta na kontima klase 6 za sve pravosudne institucije sa stanjem u glavnoj knjizi;
- vođenje evidencija o prisustvu zaposlenika na poslu na propisanim obrascima radi obračuna plata;
- izrada prijedloga tromjesečnih operativnih planova za Pravosuđe Brčko distrikta BiH;
- izrada izvještaja (izvještaji o izvršenju operativnog i kapitalnog budžeta, izvještaj o provedenim postupcima nabavke i dr.);
- izrada dopisa i prijedloga te pružanje pomoći iz oblasti financija i računovodstva u radu svim zaposlenim;
- usaglašavanje naplaćenih prihoda Osnovnog suda i Pravobraniteljstva sa stanjem u glavnoj knjizi
- praćenje prometa (uplata i isplata) na depozitnom računu Osnovnog suda
- provođenje aktivnosti vezanih za popis stvari, materijalnih prava, potraživanja i obaveza institucija Pravosuđa Brčko distrikta BiH.

#### **b) Posebne aktivnosti Finansijske službe**

- po ukazanoj potrebi učestvovanje u pripremi zakona i drugih provedbenih propisa kao i izrada pravilnika kojima se regulira rad službe; briga o poštivanju provođenja propisa kako u radu službe tako i u provođenju istih od strane institucija Pravosuđa.
- po ukazanoj potrebi učestvovanje na radionicama i sastancima organiziranim od strane evropske komisije i priprema potrebnih akata u cilju realizacije dodijeljenih sredstava u okviru odobrenih projekata, kao i pravdanje utroška istih;
- po ukazanoj potrebi učestvovanje na simpozijumima, seminarima i radionicama organiziranim od strane strukovnih institucija iz oblasti računovodstva i revizije u cilju stručnog usavršavanja zaposlenika službe.

#### **SLUŽBA INFORMACIONIH TEHNOLOGIJA**

Služba informacionih tehnologija će u toku naredne godine između ostalog obavljati i slijedeće poslove iz svog djelokruga rada:

##### **- Redovno održavanje IT sistema**

Redovno održavanje:

- Računarske mreže i serverske infrastrukture (HyperV virtualizacijska platforma, Active Directory, Exchange server, WSUS, AV, VOIP, serveri baza podataka i aplikacija, serveri sistema tehničkog obezbjeđenja, file serveri, sistem za monitoring i alarmiranje),
- Sistema za Disaster Recovery i redovan backup podataka,
- Održavanje klijentskih računara,
- Održavanje opreme za štampanje, skeniranje i kopiranje,
- Održavanje baza podataka i aplikacija registra zemljišta i registra poslovnih subjekata u Osnovnom sudu,
- Održavanje aplikacija VSTVa koje se koriste u pravosudnim institucijama BD: CMS, TCMS, SOKOP, RNKPE i sl.
- Održavanje sistema za vođenje zapisnika i snimanje sudskih rasprava, sistema za prezentaciju dokaza, sistema za saslušanje daljinskim putem, sistema za saslušanje maloljetnih lica i zaštićenih svjedoka,
- Održavanje i ažuriranje web stranica pravosudnih institucija.

**- Realizacija kapitalnih IT projekata**

Potrebno je u toku 2023. izvršiti proširenje centralnog storage uređaja koga koriste sve pravosudne institucije budući da stalno rastu zahtjevi za serverskim diskovnim prostorom kako za baze podataka koje su dosada korištene, tako i za nove koje se planiraju uvesti tokom 2023. g. Također, prisutan je trend digitalizacije arhive u više institucija i digitalizacije zemljišnih knjiga u Osnovnom sudu koji dodatno opterećuju storage.

U prvoj polovini 2023. potrebno je izraditi tendersku dokumentaciju za software za upravljanje predmetima u Pravobranilaštvu. Ovaj zadatak se nažalost odgađao duže vrijeme iako su postojala rezervisana sredstva u budžetu, ali su bila nedovoljna. Povećanjem sredstava biće omogućeno raspisivanje tendera i nabavka softwarea.

U toku 2023. izvršiti nabavku dva kopir uređaja za Osnovni sud.

Ukoliko bude budžetskih sredstava, potrebno je izvršiti nabavku novih kompleta za snimanje rasprava u sudnicama i istražnim sobama Tužilaštva, te softwarea za odgovarajuće vođenje zapisnika. Postojeća oprema datira iz 2004. g., nema više rezervnih dijelova, a i softwareski postoji nekompatibilnost sa ostatkom sistema koja se sve teže prevazilazi kako vrijeme odmiče.

**- Podrška korisnicima IT sistema**

Služba će nastaviti da pruža kontinuiranu podršku korisnicima IT sistema, te vrši po potrebi obuku korisnika.

**- Obuka i usavršavanje zaposlenika IT službe**

Potrebna je obuka zaposlenika IT službe za nove Windows OS, Exchange email server, SQL bazu podataka i dr. tehnologije koje se koriste u pravosuđu. Ovaj dio je zapostavljen prethodnih godina prvenstveno zbog pandemije i otkazivanje većine ranije najavljenih kurseva.

Ovome će se pristupiti ukoliko bude moguće obezbjediti finansijska sredstva.

**- Održavanje ostalih tehničkih sistema**

Ova služba će kao i dosada učestvovati u održavanju sistema koji i nisu primarno IT sistemi: sistema tehničkog obezbjeđenja (video nadzor, protivprovala, kontrola pristupa, vatrodojava, panik dojava, razglas, IC barijere, skeneri prtljaga, skener pošte, metal detektorska vrata i sistem besprekidnog napajanja), sistema grijanja, hlađenja i ventilacije i sistema protivpožarne zaštite.

**- Nabavke usluga iz tekućeg budžeta**

Zavisno od raspoloživih sredstava, potrebno je planirati nastavak digitalizacije zemljišne knjige koji je započet u ovoj godini (digitalizovano 110 ZK što je nešto više od 20% ukupnog broja knjiga).

Zbog isteka postojećih okvirnih sporazuma potrebno je planirati izradu specifikacija i provođenje postupaka nabavki usluga održavanja tehničkog sistema za bezbjednost objekata pravosudnih institucija: videonadzor, vatrodojava, itd., održavanje sistema za evidenciju radnog vremena, održavanje sistema besprekidnog napajanja, te zakup internet linkova (kao i provođenje postupka ugovaranja usluga fiksne i mobilne telefonije što do sada nije rađeno).

Potrebno je sačiniti specifikaciju i provesti postupak nabavke usluga održavanja sistema za jednošaltersku registraciju poslovnih subjekata u Osnovnom sudu, a koji je do sada bio održavan po ugovoru kojeg je ugovorio donator.

Potrebno je ugovoriti i usluge održavanja sistema za automatsko gašenje požara u server sobama koji je implementiran u toku ove godine kao dio Politike sigurnosti pravosudnog informacionog sistema kojeg je donio VSTV.

## **SUDSKA POLICIJA BRČKO DISTRIKTA BiH**

Sudska policija Brčko distrikta BiH (u daljem tekstu: Sudska policija) pruža pomoć Apelacionom i Osnovnom sudu u skladu sa zakonom, u smislu pribavljanja informacija, izvršenja naloga suda za dovođenje učesnika u sudskom postupku prema nalogima sudova, sprovođenja osuđenih osoba u ustanove za izvršenje sankcija izrečenih presudama suda, održavanja reda u sudnici, osiguranja sudija i službenika suda, kao i

drugih osoba unutar suda, internog osiguranja zgrade suda, te izvršavanja drugih naloga suda.

**- Sigurnost pravosudnih institucija**

Sudska policija će u 2023. godini nastaviti sa izvođenjem kontinuiranog osiguranja objekata pravosudnih institucija. Osiguranje će biti organizovano sa neophodnim brojem sudskih policajaca, u zavisnosti od iskazanih sigurnosnih potreba, korištenjem kombinovanog sistema fizičke i tehničke zaštite.

U tom smislu će se ostvariti puna saradnja sa zaposlenim u Službi za informacione tehnologije zaduženim za praćenje i održavanje elemenata sistema tehničke zaštite, kao i sa zaposlenim zaduženim za prijem i usmjeravanje posjetilaca u zgradi pravosudnih institucija u skladu sa Uputstvom o radu zaposlenika fizičkog i tehničkog osiguranja.

**- Realizacija naredbi suda**

Sudska policija će u narednoj godini postupati po naredbama suda koje se odnose na sprovođenje u kazneno-popravne institucije, dovođenje osoba sa adrese u Brčko distriktu BiH, dovođenje osoba iz kazneno-popravnih institucija. Radiće se i na realizaciji drugih zahtjeva suda kao što su: uručenja pismena, provjera adresa, osiguranja suđenja, asistencija sudskim izvršiteljima na terenu i dr.

Sudska policija će u skladu sa svojim nadležnostima postupati i po zahtjevima Tužilaštva u skladu sa Sporazumom o pružanju pomoći obavljanjem sigurnosnih poslova.

O preduzetim aktivnostima po svakoj konkretnoj naredbi blagovremeno će se obavještavati nadležna pravosudna institucija.

Nakon izrade izvještaja o radu za 2022. godinu izvršit će se analiza podataka, naročito uzroka nerealizovanja naredbi, kako bi se procenat realizacije poboljšao u narednom periodu, posebno u dijelu koji se odnosi na nepronalazak osoba koje su u trenutku potraživanja odsutne sa adrese, ali se ne nalaze izvan Brčko distrikta BiH.

Takođe, preduzimaće se i druge neophodne mjere u ovisnosti o drugim uzrocima do kojih se dođe analizom.

**- Doprinos u poboljšanju sigurnosnih i zakonskih standarda**

Predstavnik Sudske policije će aktivno učestvovati u radu Radne grupe Visokog sudskog i tužilačkog vijeća BiH za sigurnost pravosudnih institucija i nosilaca pravosudnih funkcija u BiH, kao i Radne grupe Vijeća Evrope po pitanju Evropske konvencije za zaštitu ljudskih prava i postupanja policije prema osobama lišenim slobode u zatvorenom okruženju.

**- Unapređenje zakonskih rješenja**

U skladu sa zakonskim rješenjima predviđenim Zakonom o Sudskoj policiji Brčko distrikta BiH u narednoj godini će se pratiti i usklađivati postojeća zakonska rješenja, s

ciljem izjednačavanja radnog statusa sudskih policajaca i policijskih djelatnika Policije Brčko distrikta BiH.

**- Unapređenje rad Sudske policije**

U toku godine će se raditi na poboljšanju kvaliteta postupanja po zahtjevima Suda kroz preciziranje određenih smjernica i protokola postupanja po konkretnim predmetima.

Takođe, radit će se na poboljšanju postojećih pravilnika, radnih evidencija, kao i kreiranju novih potrebnih elektronskih evidencija.

**- Izvještavanje i obuka**

Sudska policija će sastavljati mjesečne, šestomjesečne i godišnje izvještaje o radu i dostavljati ih predsjedniku Pravosudne komisije. Predsjednik Pravosudne komisije će biti obaviješten o svim sigurnosno-interesantnim događajima koji su proistekli iz poslova Sudske policije i postupanja po naredbama.

U skladu sa uočenim potrebama u toku godine će se organizovati obuka sudskih policajaca, a teme će biti određene iz važećih propisa po kojima postupa Sudska policija. Teme, kao i drugi elementni obuke će biti predviđeni Planom i programom obuke, a realizacija i ostvareni rezultati će biti obuhvaćeni godišnjim izvještajem o radu Sudske policije.

**- Održavanje i nabavka MTS**

U toku godine će se izvršiti nabavka dijelova uniforme za koje po važećim propisima ističe rok trajanja, kao i drugih materijalno-tehničkih sredstava, te će se po tom pitanju ostvariti saradnja sa računovodstvom Pravosudne komisije.

U toku godine će se upućivati zahtjevi Pododjeljenju za održavanje službenih vozila radi izrade predmjera radova za servise službenih vozila, kao i za produženje reigracije vozila.

Broj: SuPK-00-1469/22-I  
Brčko, 29.12.2022. godine

